

# PRAVILNIK O TAKMIČENJIMA ŠAHOVSKOG SAVEZA FEDERACIJE BOSNE I HERCEGOVINE

## I - Opći dio

### Član 1.

Takmičenja Šahovskog saveza Federacije Bosne i Hercegovine (u daljem tekstu: ŠS Federacije BiH) su:

a) pojedinačna

- Seniorsko prvenstvo ŠS Federacije BiH,
- Žensko prvenstvo ŠS Federacije BiH,
- Kadetsko i Juniorsko prvenstvo ŠS Federacije BiH;

b) ekipna

- Prva „A“ i Prva „B“ liga ŠS Federacije BiH za seniore,
- Prva liga za žene,
- Ekipno kadetsko prvenstvo federacije kantona;

### Član 2.

Tehničku organizaciju navedenih takmičenja provode nadležni organi ŠS Federacije BiH. Tehničku organizaciju navedenih takmičenja ŠS Federacije BiH može povjeriti i drugim šahovskim organizacijama (kantonalnim savezima ili klubovima) na osnovu odluke ili konkursa.

### Član 3.

Pravo učešća na takmičenjima ŠS Federacije BiH imaju registrirani članovi ŠS Federacije BiH, koji to pravo steknu na osnovu odredaba ovog Pravilnika i utvrđenih Propozicija takmičenja.

### Član 4.

ŠS Federacije BiH (Takmičarska komisija) će do 01.decembra utvrditi Program i kalendar takmičenja za narednu godinu.

### Član 5.

Za svako takmičenje ŠS Federacije BiH sačinjava se poseban pravilnik za određeno takmičenje, koje potpisuje ovlašteni predstavnik ŠS Federacije BiH.

### Član 6.

Sudije za takmičenja određuje Sudijska komisija ŠS Federacije BiH. Dužnosti sudija utvrđeni su Pravilnikom o radu sudija i pravilima igre FIDE. Glavni sudija takmičenja ŠS Federacije BiH je obavezan da, najkasnije 10 dana po završetku takmičenja, dostavi ŠS Federacije BiH pismeni izvještaj o takmičenju i sljedeću dokumentaciju:

- turnirsku tabelu sa svim potrebnim podacima za registraciju turnira kod FIDE,
- formulare svih odigranih partija ili turnirski bilten,
- zapisnik svih kola.

**Član 7.**

Statutom ŠS Federacije BiH su određene kompetencije organa ŠS Federacije BiH u provođenju i organizaciji takmičenja ŠS Federacije BiH.

**II – Pojedinačna takmičenja ŠS Federacije BiH****Član 8.**

Seniorsko prvenstvo ŠS Federacije BiH se održava po pravilu svake godine, u terminu predviđenom Kalendarom takmičenja ŠS Federacije BiH.

Prvenstvo je otvorenog karaktera.

**Član 9.**

Pobjednik seniorskog prvenstva ŠS Federacije BiH postaje prvak ŠS Federacije BiH i titula mu važi do završetka slijedećeg prvenstva.

**Član 10.**

Žensko prvenstvo ŠS Federacije BiH se održava po pravilu svake godine u terminu muškog seniorskog prvenstva.

Prvenstvo je otvorenog karaktera.

**Član 11.**

Pobjednica ženskog prvenstva ŠS Federacije BiH postaje prvakinja ŠS Federacije BiH za tu godinu i ista važi do završetka slijedećeg prvenstva.

**Član 12.**

Kadetsko i juniorsko prvenstvo ŠS Federacije BiH (za dječake i djevojčice u konkurenciji U-8, U-10, U-12, U-14, U-16, U-18, U-20, ukupno 14 kategorija) se održava po pravilu svake godine u terminu predviđenom Kalendarom takmičenja ŠS Federacije BiH.

Prvenstvo je otvorenog karaktera.

**Član 13.**

Pobjednica/pobjednik kadetskog i juniorskog prvenstva ŠS Federacije BiH postaje prvakinja/prvak ŠS Federacije BiH u svojoj kategoriji za tu godinu.

**III - Ekipna takmičenja ŠS Federacije BiH****Član 14.**

Prva A i Prva B liga ŠS Federacije BiH se održava svake godine u terminu predviđenom Kalendarom takmičenja ŠS Federacije BiH.

Prva A liga broji 10 klubova i igra se po Bergerovom sistemu.

Prva B liga je otvorenog tipa i igra se po Bergerovom ili Švicarskom sistemu ovisno o broju ekipa za dotičnu godinu.

Prva liga za žene je otvorenog karaktera i igra se po Bergerovom sistemu ili Švicarskom sistemu, ovisno o broju ekipa za dotičnu godinu.

### Član 15.

Prva „A“ i Prva „B“ liga igraju se na 6 (šest) ploča. Svaka ekipa ima pravo prijaviti 4 (četiri) rezerve.

Prva ženska liga igra se na 3 (tri) ploče. Svaka ekipa ima pravo prijaviti 2 (dvije) rezerve.

U svakoj ekipi može da nastupi određeni broj stranaca i igrača/igračica sa dvojnomo registracijom u skladu sa Odlukom Upravnog odbora ŠS Federacije BiH.

### Član 16.

Pobjednik Prve „A“ lige i Prve lige za žene stiče pravo nastupa u Premijer ligi Bosne i Hercegovine u narednoj takmičarskoj godini.

Pobjednik Prve „B“ lige stiče pravo nastupa u Prvoj „A“ ligi u narednoj takmičarskoj godini.

### Član 17.

#### **Ispadanje iz Prve "A" lige**

Broj klubova koji ispadaju iz Prve "A" lige je promjenljiv i zavisi od broja klubova ŠS Federacije BiH koji ispadaju iz Premijer lige BiH.

### Član 18.

#### **Popunjavanje Prve „A“ lige**

Ukoliko neka od ekipa koje su ostale u Prvoj "A" ligi u prethodnoj takmičarskoj godini odustane od takmičenja u tekućoj takmičarskoj godini, popunjavanje se vrši od ekipa koje su ispale iz lige u prethodnoj takmičarskoj godini.

Ukoliko od takmičenja u tekućoj takmičarskoj godini u Prvoj "A" ligi odustane prvoplasirana ekipa iz Prve "B" lige, predložiće se učešće drugoplasiranoj ekipi, odnosno sljedećoj rangiranoj ekipi, itd.

### Član 19.

#### **Odustajanje ekipa sa takmičenja**

Ukoliko šahovska ekipa iz ŠS Federacije BiH ne nastupi u pripadajućoj ligi nema pravo nastupa u ligama te takmičarske godine.

Ukoliko ekipa iz ŠS Federacije BiH odustane od nastupa u zvaničnim ligama na nivou Šahovske unije Bosne i Hercegovine ili ŠS Federacije BiH u narednoj takmičarskoj godini ima pravo nastupa u najnižem rangu takmičenja.

### Član 20.

Klubovi svih liga (Prve "A" i Prve "B" za seniore, Prve lige za žene) ŠS Federacije BiH dužni su da pismene prijave za takmičenja dostave ŠS Federacije BiH do roka propisanog propozicijama i da uplate avans (kotizaciju) kao garanciju da će učestvovati na takmičenju dotične lige. Visinu iznosa kotizacije svake godine određuje Upravni odbor ŠS Federacije BiH.

**Član 21.****Konačan plasman ekipa**

Konačan plasman ekipa u svim ligama vrednuje se na osnovu zbira osvojenih meč poena. U slučaju diobe mjesta, važe kriteriji predviđeni u Općem pravilniku o ekipnim takmičenjima.

**Član 22.**

Pobjedničke ekipe po ligama (seniori-žene), stiču titulu ekipnog prvaka ŠS Federacije BiH za tu godinu i ista važi do završetka slijedećeg ekipnog prvenstva. Na osnovu plasmana u ligama, određiće se ekipe za viši i niži rang takmičenja.

**Član 23.**

Kadetsko prvenstvo federacije kantona se održava po pravilu svake godine u terminu predviđenom Kalendarom takmičenja ŠS Federacije BiH. Pravo nastupa imaju kadetske reprezentacije kantona.

**Član 24.**

Kadetsko prvenstvo federacije kantona igra se na 4 (četiri) ploče. Na četvrtoj ploči mora igrati kadetkinja. Svaka ekipa ima pravo prijaviti jednu rezervu.

**IV – Međunarodne šahovske aktivnosti ŠS Federacije BiH****Član 25.**

Prijavu učešća naših reprezentacija, klubova i pojedinaca koji predstavljaju Bosnu i Hercegovinu na zvaničnim ekipnim i pojedinačnim takmičenjima vrši nadležni organ Šahovske unije Bosne i Hercegovine (ŠU BiH). Selektiranje i pripreme naših reprezentacija za pojedina takmičenja vrše nadležni organi ŠU BiH.

**Član 26.**

Stupanjem na snagu ovog Pravilnika prestaje da važi Pravilnik o takmičenju ŠS Federacije BiH, broj: 35/08, od 20.03.2008. godine sa dopunama Pravilnika, 215/08, od 25.08.2008. i br.146/10, od 26.07.2010. godine.

Br.193/17.

Datum, 04.09.2017.

Predsjednik Skupštine ŠS Federacije BiH  
Husnija Abdić, dipl.pravnik, s.r.